

Beraad oor klimaatsbeleid begin vandag

JORISNA BONTHUYS
Kaapstad

'N Beraad oor die skop van 'n nasionale klimaatsbeleid – wat veranderinge aan fiskale beleid en wetgewing kan meebring – begin vandag.

Dié beraad, die eerste in sy soort, word gesamentlik deur die departement van omgewingsake en toerisme, en wetenskap en teg-

nologie by Gallagher Estate in Midrand aangebied.

Sowat 600 afgevaardigdes van regeringsdepartemente, die sake-sektor, neregteringsgroepe en vakbonde woon dit by.

Pres. Kgalema Motlanthe open vanmiddag die beraad, waarna minister van omgewingsake en toerisme, en prof. Rajendra Pachauri, hoof van die VN-klimaatspaneel, programredes lewer.

Pachauri sowel as me. Connie Hedegaard, die Deense minister van klimaat en energie, sal 'n video-aanbieding lewer.

Denemarke speel vanjaar gas-heerland vir internasionale VN-klimaatsonderhandelings.

Die beraad, wat tot Vrydag duur, sal dien as platform waar rolspelers kan beraadslaag oor 'n raamwerk vir 'n sogenaamde nasionale klimaatrespons-strategie.

Dit kom te midde van internasionale klimaatsonderhandelings en nadat die regering sy langtermyn-senarrio-ontleding oor klimaatsverandering bekend gestel het.

Dié ontleding – die sogenaamde LTIMS-proses – het verlede jaar die groen lig van die kabinet gekry.

Daar is hoëvlaksteun daarvoor dat Suid-Afrika se kweekhuysgasvrystellings van ongeveer 2020 tot 2030 'n dekadade lank stabiliseer en

daarna tot die middel van die eeu in absolute terme verminder word.

Mnr. Jeff Radebe, minister van vervoer, en me. Buyelwa Sonjica, minister van minerale en energie, sal vandag die regering se visie vir 'n plannu uitstippel om die vervoer- en energiebedryf meer klimaatvriendelik te maak.

Me. Lindwe Hendricks, minister van waterwese en hoshou, sal praat oor die regering se visie wat

klimaatsonderhandelings betref.

Suid-Afrika is lams een van die lande wat die minste energie-doel-treffend ter wêreld is. As Suid-Afrika voortgaan soos nou (sonder ingrepe) sal sy kweekhuysgas-inkortings teen 2050 feitlik vierdubbeld.

Die land se koolstofvoetspoor is per capita baie groot, omdat daar swaar op steenkoolbronne vir elektrisiteitsverbruik gestem

word. Suid-Afrika is verantwoordelik vir sowat 1,5% van die mensgemaakte kweekhuysgasse wat in die Aarde se atmosfeer vrygestel word.

Die land word beskou as een van die top-twintig besoedelaars ter wêreld en het besonder hoë CO₂-vrystellings per kapla.

Die regstreekse uitstending en oudiovisuele stroomuitsending van die aanbiedings is beskikbaar op www.ccsunmit2009.co.za.